

# EPISTOLA

osculo excipiunt: Sed hoc nihil aliud est,  
quàm neruos mentis & corporis frangere,  
& discrimen honestorum & turpium hor-  
ribili furore delere. Clariùs at hoc meri-  
diana luce, non est igitur vt in eo multum  
sermonem teram.

Quare Generose Domine, mihi persua-  
sum habeo, cùm plurimis præclaris à Deo  
ornatus sis virtutibus, & ideo ad hoc am-  
plissimum munus sis delectus, te bonas ar-  
tes, præsertim Poësin, studium omnium  
venustissimum, & eius cultores colere,  
amare, obseruare atque venerari. Hac spe  
fretus & adductus non adeò ingratum tibi  
forè existimauī, si T. Magnif. hoc litera-  
rium & chartaceum munuscum dona-  
rem, quod omnes ordines & gradus, tam  
inferiorum quàm superiorum complecti-  
tur, ab Hartmanno Schoppero, Poëta in-  
signi & ingenioso conscriptū, & in iustum  
seriem redactum, additis simul elegantis-  
simis Imaginibus, nec non sumptibus con-  
fectis maximis. Hoc quamuis sit exile mu-  
nus, & tanto viro oblatu indignum, qua-  
leculq; tamen, vt soles aliorum, nostrum  
vel saltem æquo ac bono accipias animo.  
Videbit h̄ic T. M. quid sit illud in Genesi:  
In sudore vultus vescēris panetuo. Videbit